

«FARXOD DEHQON BOZORI» aksiyadorlik jamiyati
акциядорларининг 2020 йил якунлари бўйича навбатдаги
умумий йиғилиши
Б А Ё Н И

16 март 2021 йил

Тошкент шаҳри.

«FARXOD DEHQON BOZORI» aksiyadorlik jamiyati aksiyadorlarining 2020 йил якунлари бўйича навбатдаги умумий йиғилиши Тошкент шаҳар Учтепа туман Чилонзор Г9А мавзесида, жамиятнинг маъмурий биносида 2021 йил 16 мартда ўтказилди. Жамиятда овоз берувчи акцияларнинг умумий сони 43 787 455 тани ташкил этади. Умумий йиғилишда 43 514 800 та овозга эга бўлган Тошкент шаҳар Хокимияти номидан ишончнома асосида Тошкент шаҳар хокимлиги “Муниципал активларни бошқариш маркази” ДУКнинг “Бозорлар ва савдо комплекслари департаменти” бошлиғи ўринбосари Ганиев Дилмурод Иркинович ва 1999 та овозга эга бўлган 4 та жисмоний шахслар-жамият акциядорлари қатнашди. Умумий йиғилиш ўтказиш учун жами овозлар сони 43 516 799 та бўлиб, кворум 99,38 фоизни ташкил этди.

Йиғилишда раисликни Ганиев Д.И. олиб борди.

Ганиев Д.И. умумий йиғилиш ўтказиш учун кворум 99,38 фоиз бўлганлигини ва йиғилишни очиш ҳақида таклиф тушганлигини маълум қилди ва йиғилишни очиш учун овозга қўйди.

Йиғилиш қатнашчилари бир овоздан йиғилишни очиш учун овоз бердилар.

Йиғилиш раиси Ганиев Д.И. йиғилиш раёсатига 3 киши: Ганиев Д.К., Камолов Т.К. ва Б.Саидов номзодлари таклиф этилганлигини билдириб овозга қўйди.

Йиғилиш қатнашчилари томонидан номзодлар бир овоздан қабул қилинди.

Йиғилишга котиб этиб Артиков А.А. номзоди таклиф этилди ва йиғилиш қатнашчилари томонидан бир овоздан қабул қилинди.

Ганиев Д.К. йиғилишда акциядорлар ҳисобини олиб бориш, овоз бериш бюллетенларини тарқатиш, овозлар сонини ҳисоблаш учун жамият Кузатув кенгаши томонидан тузилган санок комиссияси таркибини тасдиқлашни айтиб, санок комиссияси номзодлигига таклиф этилган Ғ.И.Ҳошимов, Ғ.Р. Фатхуллаева ва Х.Х. Турсуновларнинг номзодларини овозга қўйди.

Санок комиссияси таркиби бир овоздан қабул қилинди.

Йиғилиш раиси Ганиев Д.И. йиғилиш кун тартибига Кузатув кенгаши томонидан қуйидаги масалалар киритилганлигини маълум қилди:

1. Жамият ижроия органи ва кузатув кенгашининг йиллик ҳисоботини, жамиятнинг ривожлантириш стратегиясига эришиш бўйича қўрилаётган чора-тадбирлар тўғрисидаги ҳисоботларини эшитиш.

2. Жамиятнинг 2020 йил молиявий-ҳўжсалик фаолияти якуни юзасидан ташқи аудиторлик текшируви ҳулосасини кўриб чиқиш.

3. Жамият тафтиш комиссиясининг ўз ваколат доирасига қирадиган масалалар, шу жумладан жамиятнинг бошқаришга доир қонун ҳужжатларида белгиланган талабларга риоя этилиши юзасидан ҳулосалари.

4. Жамиятнинг 2020 йил якуни бўйича йиллик ҳисоботини тасдиқлаш.

5. Жамиятнинг 2020 йил якуни бўйича фойда ва зарарлари ҳисоб варагини тасдиқлаш, унинг фойдаси ва зарарларини тақсимлаш.

6. Жамиятнинг 2021 йилга мўлжалланган «Бизнес-режаси»ни ҳамда “Даромадлар ва харажатлар сметаси режаси”ни тасдиқлаш.

7. Жамият директори билан тузилган шартнома муддатини узайтириш.

8. Жамиятнинг Кузатув кенгашини сайлаш.

9. Жамиятнинг Тафтиш комиссиясини сайлаш.

10. Жамиятда ўтказилган Корпоротив бошқарув тизимини баҳолаш натижаларини кўриб чиқиш.

11. Жамиятнинг 2021 йил фаолияти учун жамият Аудиторини тасдиқлаш ва унга тўланадиган ҳақнинг энг кўп миқдори чегарасини белгилаш.

12. Жамиятнинг таъкилий тузилмасига ўзгартириш киритиш ва тасдиқлаш.

13. Жамият Устав фондини камайтириш;

14. Жамиятнинг акция чиқарилиши тўғрисидаги қарорига ўзгартириш ва қўшимчалар киритиш ҳамда ўзгартиришлар матнини тасдиқлаш;

15. Жамиятнинг афилланган шахслари билан битим тузишни тасдиқлаш.

16. Жамиятнинг янги таҳрирдаги Уставини тасдиқлаш.

Йиғилиш раиси Ганиев Д.И. кун тартибини тасдиқлаш учун овозга қўйди ва таклиф йиғилиш қатнашчилари томонидан бир овоздан қабул қилинди.

Йиғилиш қатнашчилари томонидан кун тартибидagi масалалар юзасидан регламент ҳақида келишиб олинди.

Биринчи масала юзасидан - 15 минут, қолган маърузаларга 5 минутдан, муҳокамада сўзга чиқувчилар учун 5 минутгача вақт ажратишга келишиб олинди. Санок комиссияси раиси Г.Фатхуллаева томонидан йиғилиш муҳокамасига қўйилган масалалар юзасидан бюллетенлар ёрдамида овоз бериш тартиби бўйича тушунтириш берилди.

Биринчи масала юзасидан жамият директори Б.Б. Саидов сўзга чиқиб жамият ўтган йил давомида ўз фаолиятини Ўзбекистон Республикаси Президентининг 2010 йил 26 апрелдаги ПК-1326-сонли «Дехкон бозорлари ва савдо комплекслари фаолиятини ташкил қилишни янада такомиллаштириш чора-тадбирлари тўғрисидаги», 2017 йил 29 мартдаги «2017-2019 йиллар даврида дехкон бозорларини реконструкция қилиш ва улар ҳудудида замонавий савдо иажуалари куриш дастурини тасдиқлаш ҳақида»ги қарорлари ва Ўзбекистон Республикаси Вазирлар Маҳкамасининг 2012 йил 28 августдаги «Бозорлар ва савдо комплекслари фаолиятини такомиллаштириш қўшимча чора-тадбирлари тўғрисида»ги 253-сонли қарори, Тошкент шаҳар ва Учтепа туман ҳокими қарорлари ҳамда Тошкент шаҳар ҳокимлиги «Муниципиал активларни бошқариш маркази» ДУК кўрсатма ва тавсиялари асосида олиб борганини таъкидлаб ўтди.

Бозор раҳбарияти ва ходимларининг асосий эътибори Ўзбекистон Республикасида коронавирус пандемияси туфайли эълон қилинган карантин даврида сотувчи ва тадбиркорларга, фермер хўжаликлари вакилларига, маҳсулот етиштирган дехконларга ва харидорларга қулай шароитлар яратиш, сотувга чиқарилаётган маҳсулотларни сифатли бўлишига, нарх-навони сунъий ошиб кетишини олдини олишга, бозор санитария ҳолатини талаб даражада бўлишига, бозор ҳудудида карантин талабларини тўлиқ бажарилишига қаратилди. Карантин даврида шаҳар аҳолисини қишлоқ хўжалик маҳсулотлари билан хусусан картошка маҳсулотига бўлган талабини қондириш мақсадида маҳаллаларда, одамлар гавжум бўладиган жойларда кўчма савдо ярмаркалари ташкил этилди.

Ўтган йилда бозор фаолияти мураккаб шароитда амалга оширилишга қарамасдан сотувчилар томонидан Савдо қоидаларига риоя қилиниши, бозор даромадларини оширилиши, моддий-техника базасини мустаҳкамланиши, ноқонуний савдо ва хизмат кўрсатиш ҳолларини бартараф этилиши каби масалаларга алоҳида эътибор бериб келинди.

Жамиятнинг 2020 йилдаги молиявий яқунлари қуйидагича бўлди:

Бозорнинг жами даромад 8 165 676 минг сўм режалаштирилган бўлиб, амалда 7.284 942 минг сўмга бажарилди, Шу жумладан: бир маротабалик жой ҳақи режадаги 3.439 000 минг сўм ўрнига 2 993 191 минг сўмга, хизмат ҳақи режадаги 1 825 000 минг сўм ўрнига 1 862 773 минг сўмга, автотураргоҳ хизмати тушумлари режадаги 1.340 310 ўрнига 992 363 сўмга, инфратузилма тўловлари режадаги 452.176 минг сўм ўрнига, амалда 418 471 минг сўмга жами пуллик хизматлар режадаги 2 423 762 минг сўм ўрнига амалда 1.983 391 минг сўмга, арава хизмати режадаги 574 940 минг сўм ўрнига, амалда 567 182 минг сўмни ташкил этди. Жами бюджетга солиқлар режадаги 2 209 774 минг сўм ўрнига 1 950 105 минг сўмни ташкил этди. Жамиятнинг соф фойдаси режадаги 2 395 278 минг сўм ўрнига 1 804 721 минг сўмга бажарилди.

Бозорнинг жами харажатлари режадаги 4 106 490 минг сўм ўрнига 4 045 503 минг сўмни ташкил этган яъни режага нисбатан 60 987 минг сўмга кам бўлган. Бозор маъмурияти томонидан дебитор ва кредитор қарздорликларни ўз вақтида бартараф этилиши натижасида муддати ўтган қарздорликларга йўл қўйилмаган.

Умумий йиғилишда жамият томонидан 2020 йилда олинган соф фойдани тақсимлашда қуйидагиларни эътиборга олишни сўрайман. Бугунги кунгача Тошкент шаҳар ҳокимининг 2020 йил 12 июндаги 532-сонли қарори ижросини таъминлаш, “Экобозор” қурилишини молиялашга ҳокимият улушига ажратилган дивиденд ҳисобидан жами 1046 220 582 сўм маблағ ўтказиб берилди. Соф фойданинг захира фондига ўтказилиши лозим бўлган қисмидан (90 250 000 сўм) қолган 668 250 083 сўмини бозор моддий-техника базасини мустаҳкамлашга йўллашга розилик бериш сўралади.

Бозорда қишлоқ хўжалик ҳамда озиқ-овқат маҳсулотларига нарх-навони сунъий равишда ошиб кетиши олдини олиш бўйича бир қанча тадбирлар амалга оширилди. “Элга хизмат Фарход Файз” МЧЖнинг савдо шохобчаларида доимий равишда асосий турдаги қишлоқ хўжалик маҳсулотларини арзонлаштирилган нархларда савдода бўлиши, чем мамлакатлардан арзонлаштирилган нархларда картошка маҳсулотини келтириб сотилиши бозорда ушбу маҳсулотларга нарх-навони муътадил сақланишига олиб келди. Байрам олди ва байрам кунлари шаҳар аҳолиси ва меҳмонлари учун қишлоқ-хўжалик ва озиқ-овқат маҳсулотларининг савдо ярмаркалари ташкил этилди.

Маълумки, шаҳар аҳолиси ва меҳмонларига хизмат кўрсатишни яхшилаш, бозорни замонавий талабларга жавоб берадиган ҳолга келтириш, қўшимча иш ўринлари яратиш, бозор даромадларини орттириш мақсадида 2020 йилда 100 та замонавий савдо дўконлари ва савдо расталари қурилиши режалаштирилган эди. Қурилиш ишларини қонунийлаштириш мақсадида Тошкент шаҳар Учтепа ҳокимлигининг, “Муниципал активларни бошқариш маркази” ДУК раҳбариятининг розилиги олинган, қурилиш масаласи жамият кузатув кенгаши ва акциядорларнинг умумий йиғилишида кўриб чиқилган, Тошкент шаҳар қурилиш Бош бошқармасининг Хулосаси ва Рухсатномаси олинган. Қурилиш ҳужжатлари белгиланган тартибда экспертизадан ўтказилган. афсуски, карантин туфайли, ва юзага келган баъзи сабаблар туфайли қурилиш ишлари вақтинча тўхтатиб қўйилган. Қурилиш ишлари жорий йилда олиб борилади деб умид қиламиз.

Бозорда фуқаролар хавфсизлигини таъминлаш, айниқса карантин қоидаларига риоя қилиш, қўнғилсиз воқеаларни олдини олиш, хушёрлик ва огоҳликни таъминлаш мақсадида комплекс чора-тадбирлар режаси асосида ишлар амалга оширилди, 2020 йилда бозорда хавфсизликни таъминлаш бўйича ИИБ патрул-пост хизматининг 9 та ходими, миллий гвардия ходимлари фаолият юритиб келди. Бозор томонидан молиявий таъминланган ҳолда ИИБнинг профилактика нозир фаолият юритмоқда. Бозорда хавфсизликни таъминлашни янада юқори даражага кўтариш мақсадида қўшимча равишда 3 та профилактика инспектори ва бозор ичкараси ва ёндош ҳудудларда транспорт ҳаракатини тартибга солиш мақсадида 2 та йўл ҳаракати хавфсизлиги ходимини бозорга бириктириш таклифи киритилди.

Бозорда сотувчи ва харидорлар фикрини ўрганиш, бозор фаолияти бўйича билдирилган мурожаат, ариза, шикоятларни таҳлил қилиш мақсадида махсус хона ажратилиб жамоатчилик штаби ташкил этилган. Бозор радиоузели орқали сотувчи ва харидорлар учун турли мавзуда эшиттиришлар, эълонлар, табриклар, миллий мусиқа оҳанглари бериб борилмоқда.

Жамият Кузатув кенгашининг ҳисоботи кўриб чиқилди ва 2020 йил давомида Кузатув кенгаши томонидан жамиятнинг ҳар чоракдаги молиявий-хўжалик фаолияти яқунлари кўриб чиқилгани, бозор молиявий ҳолатини барқарорлигини таъминлаш мақсадида катта маблағ талаб этадиган сарф-харажатлар Кузатув кенгашида муҳокама қилиб борилгани, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонуни талаблари асосида жамият масъул ходимлари томонидан ишлаб чиқилган 2021 йилнинг “Бизнес-режа”си 2020 йилнинг 26 ноябрида Кузатув кенгаши томонидан муҳокама қилиниб маъқуллангани ва бугунги акциядорларнинг умумий йиғилишига тасдиқлаш учун тақдим этилаётгани, Кузатув кенгаши томонидан Республикада коронавирус пандемияси туфайли карантин эълон қилинган мураккаб вазиятда бозорни талаб даражада фаолият юритиши устидан доимий назорат олиб борилгани, 2021 йилнинг 16 мартда ўтказиладиган акциядорларнинг 2020 йил яқунларига бағишланган навбатдаги умумий йиғилиши

муҳокамасига киритилаётган барча ҳужжатлар Кузатув кенгаши мажлисида дастлабки тарзда кўриб чиқиладигани таъкидлаб ўтилди.

Йиғилиш раиси ҳисоботларни тасдиқлаш бўйича акциядорлардан ўз бюллетенларида овозларини қайд этишларини сўради.

Иккинчи масала юзасидан сўз жамиятнинг 2020 йил фаолияти бўйича аудиторлик текшируви ўтказган «FTF-LEA-FUDIT» МЧЖ аудиторлик агентлиги аудитори Р.Сабировага берилди. Аудитор сўзга чиқиб, “Фарход деҳқон бозори” АЖнинг 2020 йил молиявий-хўжалик фаолияти якунлари бўйича 2021 йилнинг 16 феввалида тайёрланган хулосада жамиятнинг молиявий ҳолати бухгалтерия ҳужжатларида ҳаққоний акс эттирилгани, жамият томонидан амалга оширилган молиявий ва хўжалик операциялар Ўзбекистон Республикасининг амалдаги қонунчилиги талабларига тўлиқ жавоб беришини таъкидлаб ўтди.

Йиғилиш раиси аудиторлик хулосасини тасдиқлаш бўйича акциядорлардан ўз бюллетенларида овозларини қайд этишларини сўради.

Учинчи масала юзасидан жамият Тафтиш комиссияси раиси Г.Иброғимова сўзга чиқиб, мажлис қатнашчиларини жамият Тафтиш комиссиясининг ўз ваколатига киритилган масалалар, шу жумладан жамиятни бошқаришга доир қонун ҳужжатларида белгиланган талабларга риоя этиши юзасидан тайёрлаган хулосаси билан таништирди. Хулосада, “Фарход деҳқон бозори” АЖнинг 2020 йил якунлари бўйича молиявий ҳисоботи унинг молиявий-хўжалик фаолияти натижаларини ҳаққоний акс эттириши ва бухгалтерия ҳисоби тўғрисидаги қонун ҳужжатлари талабларига мувофиқ келишини таъкидлаб ўтди ва умумий йиғилишга тасдиқлаш таклифини киритди.

Йиғилиш раиси Тафтиш комиссияси хулосасини тасдиқлаш бўйича акциядорлардан ўз бюллетенларида овозларини қайд этишларини сўради.

Тўртинчи масала юзасидан жамият бош ҳисобчиси Н.В.Ким жамиятнинг 2020 йил молиявий-хўжалик ҳисоботи якуни бўйича тайёрланган жамият йиллик баланси билан кенгаш аъзоларини таништирди ва тасдиқлаш таклифини киритди.

Йиғилиш раиси жамиятнинг йиллик баланси ва йиллик ҳисоботини тасдиқлаш бўйича акциядорлардан ўз бюллетенларида овозларини қайд этишларини сўради.

Бешинчи масала мажлис раиси жамият Кузатув кенгашининг 2021 йил 6 мартдаги қарорида жамият томонидан 2020 йилда олинган 1 804 720 665 сўм соф фойдани қуйидагича тақсимлаш таклифи киритилганлигини билдирди:

- *Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги қонунининг 2-бўлими 34-моддаси асосида соф фойданинг 5 фоизидан кам бўлмаган қисми, яъни 90 250 000 сўми жамиятнинг захира фондини шакллантиришга.*

- *Жамиятни ривожлантиришга- 90.250.000 сўм;*

- *қолган соф фойда яъни 1624220665 сўм акциядорларга 2020 йил якуни бўйича дивиденд тўлашга йўналтириш*

Йиғилиш раиси жамиятнинг соф фойдасини тақсимлаш бўйича акциядорлардан ўз бюллетенларида овозларини қайд этишларини сўради.

Олтинчи масала юзасидан жамият директори Б.Б.Саидов, жамият бош муҳосиби ва А.Артиковлар сўзга чиқишиб, жамиятнинг 2021 йилга мўлжалланган “Бизнес-режа”си ҳамда “Даромадлар ва харажатлар смета”си 2020 йил 26 ноябрда Кузатув кенгашининг мажлисида муҳокама қилиниб маъқуллангани ва тасдиқлаш учун умумий йиғилиш муҳокамасига киритиш ҳақида қарор қабул қилинганини таъкидлаб ўтди. 2021 йилга “Бизнес-режа”ни ишлаб чиқишда асосий эътибор бозор даромадларини ошириш, 2021 йил 19 февралда Тошкент шаҳар ҳокимининг 203-сонли қарори билан янги оширилган тўлов миқдорлар асосида тўловларни ундириш, харажатларни имкон даражасида камайтириш, янги хизмат турларини жорий этиш каби масалаларга қаратилди. Бозорларни янги солиқ тизимига ўтиши муносабати билан “Бизнес-режа”га ҳамда даромадлар ва харажатлар сметасига тегишли ўзгартиришлар киритилди ва умумий йиғилишдан тасдиқлаб бериш таклифи киритилади.

Йиғилиш раиси жамиятнинг “Бизнес-режа”си ҳамда “Даромадлар ва харажатлар сметаси”ни тасдиқлаш бўйича акциядорлардан ўз бюллетенларида овозларини қайд этишларини сўради.

Еттинчи масала юзасидан жамият мажлис раиси сўзга чиқиб, жамият Кузатув кенгашининг 2021 йил 6 мартдаги йиғилишида “Фарход деҳқон бозори” акциядорлик жамияти директори Б.Б. Саидов меҳнат фаолиятини 1987 йилдан бошланганлиги, 2006-2011 йилларда “Фарход деҳқон бозори” АЖ Савдо-харид корхонаси мудир, 2011-2014 йилларда “Бешёғоч деҳқон бозори” МЧЖ директори, 2014-2016 йилларда “Фарход деҳқон бозори” АЖ директори, 2019 йилда “Чилонзор деҳқон бозори” МЧЖ директори, 2019-2021 йилларда, хусусан бугунги кунгача “Фарход деҳқон бозори” АЖ директори лавозимида фаолият юритиб келаётганини, жамият Кузатув кенгашининг 2020 йил 14 майдаги қарори билан лавозимидан четлатилгани, суднинг қарорига кўра лавозимига тикланиб, 2021 йил 9 февралдаги жамият кузатув қарори билан жамият директори сифатида фаолият олиб бораётгани, Учтепа туман прокуратураси томонидан “Farhod dehqon bozori” АЖ мансабдор шахсларига нисбатан Ўзбекистон Республикаси ЖКнинг 167-моддаси 3-қисми “а” банди ва бошқа моддалар билан 262622/2020-31 VF –сонли жиноят иши қўзғатилиб, тергов ҳаракатлари тамомланиб, тўпланган ҳужжатлар Жиноят ишлари бўйича Тошкент шаҳар Учтепа туман судида кўриб чиқиляётгани, Б.Саидовнинг меҳнат шартномаси узайтирилса жиноят иши бўйича ҳақиқатни аниқлашга ёки жиноят оқибатида етказилган зарарнинг ўрнини қоплашга тўсқинлик қилиши ёхуд жиноий фаолиятини давом эттириши хавфи борлиги, шу сабабли, унинг меҳнат шартномасини узайтирмаслик ҳамда унинг мажбурий прогул вақтидаги ойлик иш ҳақини жамият ҳисобидан қоплаб бериш маъқулланганлигини билдирди ҳамда мажлис қатнашчиларидан фикр билдиришларини сўради.

Йиғилиш раиси бошқа таклиф ва саволлар бўлмаганлиги сабабли акциядорлардан ўз бюллетенларида овозларини қайд этишларини сўради.

Саккизинчи масала юзасидан мажлис раиси сўзга чиқиб, Тошкент шаҳар ҳокимияти жамиятнинг 43 514 800 дона яъни 99,377 фоиз акциясига эгаллик қилиши, Тошкент шаҳар ҳокимининг 2018 йил 16 ноябрдаги “Тошкент шаҳар ҳокимлиги “Муниципал активларни бошқариш маркази” ДУК ташкил этиш ҳақидаги 1637-сонли қароридан келиб чиққан ҳолда, шунингдек Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 63-моддасига асосан жамиятнинг Кузатув кенгаши аъзолигига Марказ тавсияси билан қўйидаги номзодларни киритиш таклиф этилган: Тошкент шаҳар ҳокимлиги “Муниципал активларни бошқариш маркази” ДУК бош директори Абдурахманов Музаффар Мирзарахимович, “Муниципал активларни бошқариш маркази” ДУК Ижрочи директори Ирматов Мурод Абдуқахарович, “Муниципал активларни бошқариш маркази” ДУК бош директори ўринбосари Акбарходжаев Лазизхон Турапович, “Фарход деҳқон бозори” АЖ акциядори Туляганов Фарход Файзуллаевич, “Паркент универсал савдо комплекси” АЖ қимматбаҳо қоғозлар бўйича мутахассис Норхўжаев Нозимхўжа Абдукодир ўғли.

Йиғилиш раиси жамият кузатув кенгашига таклиф этилган номзодлар бўйича акциядорлардан ўз бюллетенларида кумулятив овоз бериш йўли билан овозларини қайд этишларини сўради.

Тўққизинчи масала юзасидан жамиятнинг қимматли қоғозлар мутахассиси А.А.Артиков сўзга чиқиб, жамият Тафтиш комиссиясининг аъзолари жамият уставига мувофиқ 3 кишидан иборат бўлишини билдириб, унинг таркибига қўйидаги номзодларни киритишни таклиф этди: Ибрагимова Гулчеҳра Махкамовна- “Эски жува деҳқон бозори” АЖ қимматли қоғозлар мутахассиси, Строгих Венера Салаватовна- “Элга хизмат Фарход фарз” МЧЖ бош бухгалтер, Алимова Мохира Миралиевна- жамият акциядори.

Йиғилиш раиси жамият Тафтиш комиссиясига таклиф этилган номзодлар бўйича акциядорлардан ўз бюллетенларида овозларини қайд этишларини сўради.

Ўнинчи масала юзасидан жамиятда Корпоратив бошқарув тизимини баҳолашни ўтказиш учун <https://exarid.uzex.uz/> сайтида ўрнатилган тартибда эълон жойлаштирилганлиги, ушбу эълонга асосан “FTF-LEA-FUDIT” МЧЖ аудиторлик ташкилотининг таклифи кенгаш томонидан маъқулланганлигини айтди ва “FTF-LEA-FUDIT” МЧЖ аудиторлик ташкилоти томонидан жамиятда ўтказилган Корпоратив

бошқарув тизимини баҳолаш ишлари юзасидан тайёрланган маълумот билан таништириш учун сўз А.Артиковга берилди.

А.Артиков сўзга чиқиб, жамиятда Корпоратив бошқарув тизими самарадорлигини баҳолаш "FTF-LEA-FUDIT" МЧЖ томонидан ўтказилганлигини, "Корпоратив бошқарув тизими самарадорлигини баҳолаш натижаларига кўра жамиятга унга "қониқарли" баҳо берилганлигини айтиб ўтди ва йиғилиш қатнашчиларини хулоса билан таништирди (*жамятни Корпоратив бошқарув тизими самарадорлигини баҳолаш бўйича хулосаси ва ҳисобот илова қилинади*).

Раислик қилувчи акциядорлардан ушбу масала бўйича овоз бериш бюллетенларида ўз муносабатларини билдиришларини сўради.

Йиғилиш раиси жамиятнинг корпоратив бошқарув тизимини баҳолаш бўйича тайёрланган хулоса бўйича акциядорлардан ўз бюллетенларида овозларини қайд этишларини сўради.

Ўн биринчи масала юзасидан жамиятнинг қимматли қоғозлар мутахассиси в.б. А.А.Артиков сўзга чиқиб, амалдаги қонунчиликка мувофиқ жамиятда ўтказиладиган мажбурий аудиторлик текширувида жамият аудиторини тасдиқлаш ва унга тўланадиган ҳақнинг энг кўп миқдори чегарасини белгилаш акциядорларнинг умумий йиғилиш ваколатига берилиши муносабати билан халқаро стандартларга кўра аудиторлик текширувини ўтказилиши бўйича <https://exarid.uzex.uz/> сайтида ўрнатилган тартибда эълон жойлаштирилганлиги, ушбу эълонга асосан қуйидаги ташкилотлардан таклифлар тушганини айтиб ўтди:

1. "FTF-LEA-AUDIT" МСНЖ - 4 000 000 сўм
2. "Эксперт-аудит" МСНЖ - 4 500 000 сўм

Раислик қилувчи акциядорлардан ушбу масала бўйича овоз бериш бюллетенларида ўз муносабатларини билдиришларини сўради.

Ўн иккинчи масала юзасидан жамиятнинг қимматли қоғозлар мутахассиси А.А.Артиков сўзга чиқиб, Ўзбекистон Республикасининг Президентининг бозорлар фаолиятини ривожлантириш, уларнинг моддий-техника базасини мустаҳкамлаш, замонавий талабларга жавоб берадиган ҳолга келтириш бўйича қабул қилинган қарорлар ижросини таъминлаш мақсадида бозор ташкилий тузилмасига баъзи ўзгартиришлар киритилганини қайд этиб умумий йиғилишга тасдиқлаш таклифини киритди.

Йиғилиш раиси жамиятнинг янги ташкилий тузилмасини тасдиқлаш бўйича акциядорлардан ўз бюллетенларида овозларини қайд этишларини сўради.

Ўн учинчи масала юзасидан жамиятнинг қимматли қоғозлар мутахассиси в.б. А.А.Артиков сўзга чиқиб, Ўзбекистон Республикаси Вазирлар Маҳкамасининг 2021 йил 23 январдаги 34-сонли қарорида Тошкент шаҳридаги бошқа деҳқон бозорлари ва савдо комплекслари билан бир қаторда "Фарход деҳқон бозори" АЖнинг ҳам шаҳобчаларини Тошкент шаҳар ҳокимлиги "Муниципал активларни бошқариш маркази" ДУКга берилиши ҳисобига жамиятдаги давлат улушини (ҳокимият улушини) ушбу шаҳобчаларнинг баланс қиймати суммасига камайтириш белгилаб қўйилганлиги, шу мақсадда жамиятнинг устав фондида шаҳобчаларни берилиши ҳисобига ҳокимият улушини камайтириш лозим эди.

Лекин, жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятда аввал чиқарилган акцияларни бекор қилиб, устав фонди камайтириш ваколатини жамият Кузатув кенгашига бериш таклиф этилишини билдирди.

Йиғилиш раиси акциядорлардан ўз бюллетенларида овозларини қайд этишларини сўради.

Ўн тўртинчи масала юзасидан А.Артиков тушунтириш бериб, Ўзбекистон Республикаси Вазирлар Маҳкамасининг 2021 йил 23 январдаги 34-сонли қарорида Тошкент шаҳридаги бошқа деҳқон бозорлари ва савдо комплекслари билан бир қаторда "Фарход деҳқон бозори" АЖнинг ҳам шаҳобчаларини Тошкент шаҳар ҳокимлиги "Муниципал активларни бошқариш маркази" ДУКга берилиши ҳисобига жамиятдаги давлат улушини (ҳокимият улушини) ушбу шаҳобчаларнинг баланс қиймати суммасига

камайтириш белгилаб қўйилганлиги, шу мақсадда жамиятнинг устав фондида шаҳобчаларни берилиши ҳисобига ҳокимият улушини камайтириш лозимлиги, лекин, жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятнинг акция чиқарилуви тўғрисидаги қарорига ва эмиссия рисоласига ўзгартириш ва қўшимчалар киритиш ҳамда ўзгартиришлар матнини тасдиқлаш ваколатини жамият Кузатув кенгашига беришни таклиф этди.

Йиғилиш раиси акциядорлардан ўз бюллетенларида овозларини қайд этишларини сўради.

Ўн бешинчи масала кўриб чиқилди ва Ўзбекистон Республикаси Вазирлар Маҳкамасининг 2021 йил 23 январдаги 34-сонли қарорида Тошкент шаҳридаги бошқа деҳқон бозорлари ва савдо комплекслари билан бир қаторда “Фарход деҳқон бозори” АЖнинг ҳам шаҳобчаларини Тошкент шаҳар ҳокимлиги “Муниципал активларни бошқариш маркази” ДУКга берилишида афилланган битим тузилиши, лекин, жамиятда аввал чиқарилган акцияларни бекор қилишга доир ҳужжатлар охирига етмаганлиги сабабли жамиятнинг афилланган шахси билан битим тузиш масаласи ваколатини жамият Кузатув кенгашига бериш таклиф этилди.

Ўн олтинчи масала кўриб чиқилди ва Ўзбекистон Республикаси Вазирлар Маҳкамасининг 2021 йил 23 январдаги 34-сонли қарорида Тошкент шаҳридаги бошқа деҳқон бозорлари ва савдо комплекслари билан бир қаторда “Фарход деҳқон бозори” АЖнинг ҳам шаҳобчаларини Тошкент шаҳар ҳокимлиги “Муниципал активларни бошқариш маркази” ДУКга берилиши ҳисобига жамиятдаги давлат улушини (ҳокимият улушини) ушбу шаҳобчаларнинг баланс қиймати суммасига камайтириш белгилаб қўйилганлиги, шу мақсадда жамиятнинг устав фондида шаҳобчаларни берилиши ҳисобига ҳокимият улушини камайтириш ва жамиятнинг янги таҳрирдаги уставини тасдиқлаш лозимлиги, шу сабабли, жамиятнинг янги таҳрирдаги уставини тасдиқлаш ваколатини жамият Кузатув кенгашига бериш таклиф этилди.

Кун тартибидаги барча масалаларнинг муҳокамаси тугагандан сўнг овоз бериш натижалари бўйича тайёрланган баёни санок комиссия раиси Г.Фатхуллаева ўқиб эшиттирди (санок комиссияси баёни илова қилинади).

Умумий йиғилиш қарор қилади.

1. «Фарход деҳқон бозори» АЖнинг ижроия органи ва Кузатув кенгашининг жамиятни ривожланиш стратегиясига эришиш бўйича 2020 йил давомида кўрилган чоратadbирлар тўғрисидаги ҳисоботлари тасдиқлансин (43 516 799 та овоз билан);

2. Жамиятнинг 2020 йил молиявий-ҳўжалик фаолияти якуни юзасидан ташқи аудиторлик хулосаси тасдиқлансин (43 516 799 та овоз билан);

3. Жамиятнинг 2020 йил молиявий-ҳўжалик фаолияти якуни бўйича Тафтиш комиссияси ваколатига киритилган масалалар, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан хулосаси тасдиқлансин (43 516 799 та овоз билан);

4. Жамиятнинг 2020 йил якунлари бўйича йиллик ҳисоботи тасдиқлансин (43 516 799 та овоз билан);

5. Жамиятнинг 2020 йил якунлари бўйича фойда ва зарарлари ҳисоб варағи ҳамда унинг фойдасини тақсимлаш тасдиқлансин (43 516 799 та овоз билан);

2020 йилда олинган 1 804 720 665 сўм сўм соф фойда қуйидагича тақсимлансин:

- Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги қонунининг 2-бўлими 34-моддаси асосида соф фойданинг 5 фоизидан кам бўлмаган қисми, яъни 90 250 000 сўми жамиятнинг захира фондини шакллантиришга.

- Жамиятни ривожлантиришга-90.250.000 сўм;

- қолган соф фойда яъни 1624220665 сўм акциядорларга 2020 йил якуни бўйича дивиденд тўлашга йўналтириш

6. Жамиятнинг 2021 йилга мўлжалланган “Бизнес – режа”си ҳамда “Даромадлар ва харажатлар сметаси” тасдиқлансин (43 516 799 та овоз билан);

7. Жамият директори Саидов Бохадир Бахтиярджановичнинг меҳнат шартномасини узайтирилишига етарли рози овоз бўлмаганлиги сабабли узайтирилмади (43 516 799 та қарши овоз берилди);

7.1. Б.Саидовнинг 2020-2021 йилдаги мажбурий прогул вақтидаги ойлик иш ҳақи жамият ҳисобидан қоплаб берилсин;

8. Жамият Кузатув кенгаши қуйидаги таркибда сайлансин:

Тошкент шаҳар ҳокимлиги “Муниципал активларни бошқариш маркази” ДУК бош директори Абдурахманов Музаффар Мирзараҳимович (43 516 799 та овоз билан), “Муниципал активларни бошқариш маркази” ДУК Ижрочи директори Ирмаев Мурод Абдуқаҳҳарович (43 516 799 та овоз билан), “Муниципал активларни бошқариш маркази” ДУК бош директори ўринбосари Акбарходжаев Лазизхон Турапович (43 516 799 та овоз билан), “Муниципал активларни бошқариш маркази” ДУК бўлим бошлиғи Туляганов Фарход Файзуллаевич (43 516 799 та овоз билан) ва “Паркент универсал савдо комплекси” АЖ мутахассиси Норхўжаев Нозимхўжа Абдуқодир ўғли (43 516 799 та овоз билан);

9. Жамият тафтиш комиссияси (43 516 799 та овоз билан) қуйидаги таркибда сайлансин:

Ибрагимова Гулчеҳра Маҳкамовна - “Эски жува дехқон бозори” АЖ қимматли қогозлар мутахассиси, Строгих Венера Салаватовна - “Элга хизмат Фарход фарз” МЧЖ бош бухгалтер, Алимова Моҳира Миралиевна - жамият акциядори;

10. Жамиятда ўтказилган Корпоратив бошқарув тизимини баҳолаш натижалари тасдиқлансин (43 516 799 та овоз билан);

11. Жамиятнинг 2021 йил фаолияти учун жамият Аудитори этиб “FTF-LEA-AUDIT” аудиторлик ташкилоти тасдиқлансин ва унга тўланадиган ҳақнинг энг кўп миқдори 4 000 000 сўм этиб белгилансин (43 516 799 та овоз билан).

12. Жамиятнинг ташкилий тузилмаси киритилган ўзгартиришлар билан тасдиқлансин (43 516 799 та овоз билан);

13. Жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятда аввал чиқарилган акцияларни бекор қилиб, устав фондини камайтириш ваколати жамият Кузатув кенгашига берилсин (43 516 799 та овоз билан);

14. Жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятда аввал чиқарилган акцияларни бекор қилиб жамиятнинг акция чиқарилуви тўғрисидаги қарорига ва эмиссия рисоласига ўзгартириш ва қўшимчалар киритиш ҳамда ўзгартиришлар матнини тасдиқлаш ваколати жамият Кузатув кенгашига берилсин (43 516 799 та овоз билан);

15. Жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятда аввал чиқарилган акцияларни бекор қилиб жамиятнинг афилланган шахси билан битим тузиш масаласи ваколати жамият Кузатув кенгашига берилсин (43 516 799 та овоз билан);

16. Жамиятда аввал чиқарилган акцияларни бекор қилишга доир ҳужжатлар охирига етмаганлиги, шу сабабли, жамиятда аввал чиқарилган акцияларни бекор қилиб жамиятнинг янги таҳрирдаги уставини тасдиқлаш ваколати жамият Кузатув кенгашига берилсин (43 516 799 та овоз билан);

17. Жамият ижроия органига акциядорларнинг умумий йиғилиши қарори ижросини таъминлаш вазифаси юклатилсин.

Йиғилиш раиси

Йиғилиш котиби

Ганиев Д.И.

Артиков А.А.